

## Misa e procesión do Corpus en Covas

**18.00** Os veciños de Covas levan desde onte á tarde elaborando as alfombras florais sobre as que pasará a procesión do Corpus. A misa comezará ás seis da tarde e o desfile procesional será inmediatamente despois.

## O CDG representa "Estigma" no Jofre

**20.30** O Centro Dramático Galego volve ó teatro Jofre para presentar a última montaxe da tempada. Trátase de "Estigma", unha obra coa que se quere dar voz a novos dramaturgos da escena galega.

### FESTAS

# Un verán cheo de festa, xogos e moitas actividades na parroquia de Covas

Cine, música, gastronomía, concursos ou encontros deportivos centran a programación

Aburrirse este verán en Covas será misión imposible. Aos atractivos que presenta a zona durante a época estival, con algunhas das mellores praias da comarca, hai que engadir agora o completísimo programa de festas e actividades desenvolvidas pola AVV Santa Comba.

REDACCIÓN FERROL

Música, gastronomía, artesanía, verbenas, xogos infantís, concursos, baile, deporte, tradicións, cine, conferencias ou exposicións son só un exemplo de todas as actividades que ao longo do verán se desenvolverán na parroquia. Ademais, por primeira vez, celebrárase unha Feira Medieval e terá lugar a I Concentración Cabalar de Covas. Todo co único obxectivo de entreter e divertir tanto aos veciños como a todos os turistas e veraneantes que se acheguen pola zona.

As celebracións en torno ao Día do Mar, o 12 de xullo, serán as encargadas de abrir un calendario de festexos que xa non se pechará ata finais de agosto coa festa de Santa Comba, o día 31. Así, e dado que o día do Carmen coincide un mércores, Covas adianta os actos na honra dos mariñeiros ao sábado anterior. A lectura do pregón será ás doce do mediodía e ás seis da tarde haberá procesión marítima na honra do Carmen. Unha mexillonada e un concerto a cargo do grupo Contraste, en Marmadeiro, pechará esta primeira xornada festiva.

Ao seguinte sábado, 19, celebrárase o Día do Maior. Ademais de agasallos para todos os participantes tamén haberá chocolate con churros e música no local social da entidade veciñal.

Coincidindo coa celebración do día do Apóstolo en toda Galicia, Covas homenaxeará á muller. A concelleira desta área, Sari Alabau dará unha conferencia e inaugurarán unha mostra dos traballos realizados polas mulleres que asisten aos talleres da entidade. A continuación servirase unha copa de viño acompañada de produtos de calidade de Covas. A música nesta ocasión correrá a cargo da orquestra SL América.

A gastronomía tan presente na nosa cultura ten tamén un lugar destacado na programación da AVV de Santa Comba. Os máis larpes non poden deixar de acudir ao concurso de sobremesas previsto para o domingo 27 de xullo no local social da entidade. Haberá premios para os mellores doces e degustación gratuíta de todos os pratos presentados á cita. O Día dos Lambóns, que así é como o denominan dende a organización, pecharase coa proxección dunha divertida película.

Tras a enchente de pasteis, agosto presenta un programa máis activo. Así, o venres 1 comezará o Campionato de Verán e o Torneo Infantil de fútbol na pista polideportiva do colexio de Covas. Os partidos continuarán todo o sábado. Durante esta primeira fin de semana de agosto celebrárase tamén unha festa infantil con todo tipo de atraccións e talleres así como varios actos de irmanamento coa Asociación de Ecuatorianos e



Imaxe dunha feira medieval

a Comunidade Iberoamericana. Será o domingo. O sábado 9 será o momento de que todas as "estrelas" poidan demostrar o seu talento no concurso "En Covas ti si que vales". O local social da entidade converterase nun gran escenario para que todo o que o desexe poida amosar as súas habilidades cantando, bailando, contando chistes ou en calquer outra actividade. Aínda que agosto é o mes por excelencia para desfrutar das vacacións tamén é o tempo da sega do trigo. Por elo, desde a AVV Santa Comba, durante os tres pri-

meiros sábados do mes organizan a sega, colleita e malla do trigo. O día 16, coincidindo co remate dos traballos no campo celebrárase unha comida popular a base de guiso de carne, que será gratuíto para todos os participantes na malla. Ademais, tralo xantar haberá xogos populares no adro e no local social.

O verán rematará coas festas de Santa Comba, na última fin de semana de agosto. O tradicional desfile de carrozas é un dos principais atractivos destas celebracións.

### FEIRAS

## Durante tres días a zona voltará á época medieval

Entre o 25 e o 27 de xullo Covas retrocederá varios séculos no tempo para converter as rúas da parroquia nunha gran Feira Medieval. Durante tres días a zona encherase de postos de venda onde poder mercar produtos artesanais e típicos doutra época. Tamén haberá espectáculos de malabares polas rúas, xogos populares e tradicionais, actuacións musicais e recreacións de escenas propias de séculos atrás, así como postos onde degustar os sabores propios do medievo.

### CABALOS

## A I Concentración Cabalar de Covas repartirá preto de 1.200 euros

O 26 de xullo celebrárase a I Concentración Cabalar de Covas, unha cita na que se repartirán case 1.200 euros en premios. Ademais de competición, realizarase unha ruta a cabalo por toda a parroquia. Tamén hai previstos xogos infantís así como actividades con ponis para os cativos. Na chaira da Cooperativa celebráranse as distintas probas. Haberá concurso de andadura, trotóns, tiro e morfolóxico de raza galega valedeiro para o Campionato Galego. Comezarán ás dez da mañá.

## RESTAURANTE DE FERROL TERRA

### PRECISA

### AYUDANTE DE COCINA

Candidatos de 18 a 35 anos, preferiblemente con experiencia e capacidade de traballo en equipo. Disponibilidade para traballar a turno partido. Enviar Currículum Vitae á C/Real, nº 73, 3º. 15402 FERROL

**SE NECESITA**  
COCINERA o  
AYUDANTE  
DE COCINA  
610 088 683

**Matemática**  
**Física y Q.**  
clases por fisicomatemático  
ESO - BAC - UNIVERSIDAD  
para aprobar... y saber!  
www.fisicomatematico.net

XUNTA DE GALICIA  
CONSELLERÍA DE EDUCACIÓN  
E ORDENACIÓN UNIVERSITARIA

## CICLO DE GRAO MEDIO "EXPLORACIÓN DE SISTEMAS INFORMÁTICOS" PARA PERSOAS ADULTAS

OFERTA MODULAR IES CABO ORTEGAL (CARIÑO)



Curso 2008/09

Solicitude de admisión: prazo aberto dende o día 17 de xuño ata o día 2 de xullo, na Secretaría do Centro (Rúa do Instituto, s/n 15360, Cariño (A Coruña)).

Requisitos para a matriculación: título de graduado na ESO, ter superada a FP de 1º grao ou o 2º de BUP, ou ter aprobada a proba de acceso a ciclos de grao medio.  
Módulos a ofertar no curso 2008-2009: Implantación e mantemento de aplicacións ofimáticas e corporativas, Sistemas operativos en contornos manuario e multiusuario e Relacións no equipo de traballo.  
Máis información no teléfono e fax nº 981-405-178, no correo electrónico ies.cabo.ortegal@edu.xunta.es e na páxina web <http://centros.edu.xunta.es/iescaboortegal> (sección Alumnado do ciclo).